



MAWDCONUTHO LU TBOCO-FROSO

Enschede, 18 januari 2024

Stichting Suryoyo Media Foundation kēmtayēb sempozyum/ftoho di stande da kthowe la Sēryoye, bu yawmo tibelo yo du lēshono Emhoyo.

U lēshono Sēryoye uhaylo cobudo olsoyo dkulle yo dkēmhayēd ucameydan udēktorele cali raḡlo. Mu sabab u lēshono emhoyo, huwwe dkēmbayēn ukēmshakēl u kensho. Leshaneyna xēd camo leshan dqudrina methlahmina bi tawtobutho, u lēshono emhoyo dawro hayo kētle. Mu sabab kensho dlo lēshono emhoyo, meqēm mēd methlahēm bu kensho, gēffoshēr ugēmmissakēr xēd mahwele u makthabzabno.

Bu nishano, Suryoyo Media Foundation kobēc dtore u lēshono Suryoyo ba haye, wēkfolēh dmahke i olsoyutho du hemoyo du lēshono emhoyo mēqqa. Bi hfituthathe dbu yawmo du lēshono emhoyo, kēbcina dmaltēmina hani dkētlēn lhiqutho wēdkobēn yuqro leshan u lēshono emhoyo. Dqudrina mēftakrina camehdode, dmējḡolina cal tahrazyotho camēhdode udēmbayninalan nisho u plan dcuwdina acle.

U sempozyum/ftoho stande da kthowe gēmmissim 18 bu yarho dē Shwēt 2024 beyn i shoctho 13.00 u 18.00, bu salon di cito d'Mor Kuryakos dkētyo Wesselerbrinklaan 110 Enschede. U yawmeydan catiroyo ma mamle, ma stande da kthowe, man esore, mu zmoro uma tacmone basime dēmhadarlan. Fqudu toxu wēkraxu a tabelyotho da kthowe Sēryoye u dcala Suryoye.

Leshan i hfituthathe, kētlan dayfe dilonoye dkētne, **Prof. Dr. Shabo Talay** me **Freie Universität Berlin** Dean, Faculty of History and Cultural Studies, **Prof. dr. H.L. Murre-van den Berg** Decaan Faculteit der Filosofie, Theologie en Religiewetenschappen **Radboud Universiteit Nijmegen**, **Zeki Bilgic M.A.** Research Center for Aramean Studies Department of Semitic Languages **University of Heidelberg**, uhasyo di marcitho d'Hollanda **Mor Polycarpus Augin Aydin**, qoyumo Suryoyo bu parlamento d'Hollanda **Isa Kahraman**, mmathlone mi karxutho, ma shutose ucitotho cam mshatasyotho, kathowe u farose mshahēlfeste macēzmene lu yawmano.

Leshan mawdconutho rwēhto mudu esore cam:

Stichting Suryoyo Media Foundation

E-mail: info@suryoyomedia.nl

Telefoonnummer: +31648750092

Surotho u flayers qudritu hozitulēn bi dafeydan: www.suryoyomedia.nl